



# شایخ و استاد

جلد ۱۳۳۶

مجموعه

برکون بیلیر فیضی مجموعه است اما  
پاک چوق آرا ایراورته ده مجموعه اولمیز

ایتدک شرف خدمت اجدادی فراموش  
آثارینه اسلافیک رغبت اولمیز

سلطان احمد خان اول حضرتلرینک تاریخی دیگر

حمیت پیرا بر غزلی

ای اورانلر قیلیجی هیبت ایله کفار  
جان دلدن سزی اصمارلامیشم ستاره  
ایلدیم سزه دعا ایله سلام ارسال  
سز سلامتده اولک دشمن اوله بی چاره  
جنکده نام خدای قوماکز هیچ دیلدن  
عون حق دیله یوب یالواریکزر غفاره  
اومارم حضرت حقندن که قرال بد حال  
مپ ویره شهر وحصارینی کلوب یالواری  
(احمد) خیر دعا ایله غزاته هر دم  
دیله ایسه که معین اوله خدا آنلاره



ینه خاقان مشار الیه سلطان احمد خان اول حضرتلرینک ،  
پدرلری اکری فاتحی سلطان محمد ثالث حضرتلرینک  
ارتحاللرندن متأثراً انشاد هایون بیوردقلری  
مرثیه کونه غزل بلیغ شاهانه لریدر

شه محمد روحنی یارب ابد مسرور قیل  
هر نه تقصیراتی وارسه هر برین مغفور قیل  
قبرینه روزنلر آج تا جنت فردوسدن  
رحمت آباد مزارین برجهان نور قیل  
تربه عنبر سرشتن روضه قدس ایلیوب  
همدمن قدسیلر ایله همنشینن حور قیل

ایتدوکنجه حی اولانلر خیر ایله امواتی یاد.  
آدینی دبللرده یارب خیر ایله مذکور قیل

(احمد ا) اومه وفا دیای فاییدن یوری  
اول شه عالی جنابك قبرینی منظور قیل



جنته کان عبدالمجیدخان حضرت یرینك سلطانلری حقنده.  
عادله سلطان حضرتلرینك مرثیه کونه

قاعه غریب الری

صاب پاك حضرت عبدالمجید خاندن خدا  
بش نفر سلطان ذی شان ایشرایدی عطا  
فاطمه سلطان، رفیعہ یله منیرہ، نائلہ  
هم بری بهیجه سلطانلر که جمله دلربا  
کلشن دنیاده آچلمشدی بونلر کل کبی  
اولدیلر اما خزان موت ایله محو و مبا  
سود قوزینسی کبی قوقارکن دهانندن لبین  
ایلدی ظالم فلک آغوش مادر دن جدا  
اوچدیلر باغ جنانه بربرین تعقیب ایله  
اولدیلر جاریه بنت رسول کبریا  
مقصدم بر فاتحه یله یاددر ارواحلرین  
(عادله) باقیلره صبر جمیل اولسون سزا

